



Inatsisartunut ilaasortaq
Malik Berthelsen
-/maani

§ 37 naapertorlugu apeqqummut nr. 106/2012-imut akissut – Siumoortumik akissarsisitsisoqartarsimanerata ilisimaarineqarsimanera pillugu

09. maj 2012
Suliapnr. 2012-065978
All.Upp.Nr. 903172

Apeqqutinut qujavunga.

Postboks 1160
Oqa: 34 50 00
Allak: 32 55 05
3900 Nuuk

Apeqqut siulleq

Email: pn@nanoq.gl
www.nanoq.gl

Peqqinnissaqarfimmi qaffasissumik atorfillit pingasut, siumoortumik akissarsisitsisarsimanerat qanoq isilluni Naalakkersuisoqarfimmit arajutsisimaneqarsimava?
Maannakkorpiaq apeqqut tamanna akissallugu periarfissaqanngilaq, tassami tamanna sulisunut suliap ingerlanneqartup ilaatut ilaammat.

Apeqqutit aappaat

Arajutsineqarsimappat, piffissaq qanoq sivisutigisoq ingerlareersoq pisimasoq Naalakkersuisunit ilisimaneqalerpa?

Peqqissutsimut Naalakkersuisoqarfiup PPK-mik isumaqatigiinniarnert nalaanni pissusissamisoortoqanngitsoq malugilersimavaa sukumiinerusumillu misissulersimallugu. Tamatuma kingunitsianngua paasitinneqarpunga kingornalu Naalakkersuisut ilisimatippakka.

Apeqqutit pingajuat

Pisimasoq inatsisilerituunit kikkunnit misissorneqarpa aammalu misissuineq qaqugu naammassissava?

Advokatfirmaet Malling og Hansen Damm. Sulisut pingasut pillugit suliannut, suliffeqarfiup kukkunersiuuisua kukkunersiuuisullu avataaneersut kukkunersiuinermi nalunaarusiaat tunngavigalugu suliassanngortinneqarsimasunut attuumassuteqartuinnaat tunaartaralugit misissuineramik nalinginnaasumik ingerlatsisoqanngilaq.

Illit patsiseqaaterni saqqumiunneqartunut naleggiullugit apeqquteqaatinut akissutit

Siumoortumik akissarsisitsisoqartarsimaneranut tunngatillugu aamma "nakorsat peqatigiiffiata aammalu Dronning Ingrid Napparsimavissuani nakorsaanerit tusagassiorfitsigut oqariartuutigisaat uagutsinnut paatsuungatitsisoq" pillugu apeqqutinnut taamaallaat oqaannarsinnaavunga sulisunut tunngasuummat oqaaseqarfigisinnaanagu.

Kikkut tamarmik soqutigisariinnarsinnaavaat sulianni matumani – sulisut pillugit suliannut allatuulli – akuusunut, sulisut kattuffiinnut, suliffeqarfimmullu tamarmiusumut najoq-qutassat atuuttut malinneqarmissaat. Kikkut tamarmik sullivimmi paatsiveerunnermik pilersitsinatik toqqissisimanermik pilersitsinissamut peqataanissaat pingaaruteqartutut isigaara.

“Sulisut toqqissisimanginnerisa qaangiunnissaat tamatta kissaatigigatsigu, taamanikkullu neriorsuutigineqarmat pisoq sap.ak. ingerlanerani naammassineqarumaartoq, suli naammassinngimmat paaserusunnarsivoq qaqugu naammassinissaa?” pillugu apeqqutinnut tunngasoq. Matumani erseqqissaatigissavara sulianut inaarutaasumik ulloq manna tikillugu aalajangiisoqanngimmat. Inaarutaasumik aalajangiinissami oqaatigineqareersutuut atorfinitsisisarnermi aalajangersakkat malinneqartussaapput, inaarutaasumillu aalajangiisoqarsinnaanngilaq suliap pineqartunut tusarniaassutigineqarneratigut ersarissaasoqartinnagu. Misilittakkat malillugit suliassat taamaattut sulisoqarnermik allaffissornikkut ingerlatsivimmit qaammatit pingasut-sisamat ingerlaneranni naammassineqarnissaat naatsorsuutigineqartarpoq. Tassa imaappoq sulisoqarnermut ingerlatsinikkut aalajangiineq siusinnerpaamik augustip qaammataani pissasoq naatsorsuutigineqarsinnaavoq.

Inussiarnersumik inuulluaqqusillunga



Agathe Fontain



SIUMUT INATSISARTUNI ILAASORTAATITAT

23. april 2012

Inatsisartut suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Peqqinnissaqarfimmi akissarsisitsisarsimanagerat arajutsisimaneqarsimava? qaffasissumik qanoq atorfillit isilluni pingasut, siumoortumik Naalakkersuisoqarfimmit

Arajutsisimaneqarsimappat, piffissaq qanoq sivisutigisoq ingerlareersoq pisimasoq Naalakkersuisunit ilisimaneqalerpa?

Pisimasoq inatsilerituunit kikkunnit misissorneqarpa aammalu misissuineq qaqugu naammassissava?
(Malik Berthelsen, Siumut)

Tunngavilersuut:

Ataasingornermi marts-ip 26-ni tusagassiorfitsigut nalunaarutigineqartoq aallaavigalugu, qulaani apeqqutika nassuiaateqarfigineqarnissaat kissaatigaara.

Taamatutaaq siumoortumik akissarsisitsisoqartarsimanagera, Naalakkersuisoqarfimmit ilisimaneqartutut nakorsat peqatigiiffiata aammalu Droning Ingrid Napparsimavissuani nakorsaanerit tusagassiorfitsigut oqariartuutigisaat uagutsinnut paatsuungatitsisoq nassuiaatigineqarnissaa kissaatigaara.

Sulisut toqqissisimanninnerisa qaangiunnissaat tamatta kissaatigigatsigu, taamanikkullu neriorsuutigineqarmat pisoq sap. ak. ingerlanerani naammassineqarumaartoq, suli naammassinngimmat paaserusunnarsivoq qaqugu naammassinissaa?